



Inatsisartuni ilaasortaq
Siverth K. Heilmann, Atassut
/Maani

Tasersiami erngup nukinganik innaallagissiorfik pillugu § 37 naapertorlugu apequteqaammut nr. 16-2023-mut akissut.

Allakkat ulluat: 03-02-2023
Suliap normua: 2023 - 606
Akt-id: 22413453

Asasara Siverth K. Heilmann

Inatsisartut suleriaasianni § 37, imm. 1 naapertorlugu Tasersiami erngup nukinganik innaallagissiorfik pillugu Naalakkersuisunut apequteqaateqarputit. Apeqqutit uannit akisassanngorlugit innersuunneqarput.

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

1. Tasersiami erngup nukerujussuanik atorluannissamik siunertaqarnermik suliap ingerlanerani, Naalakkersuisut Maniitsup illoqarfianut, erngup nukinganik pilersorneqarsinnaanera qulakkeerniassallugu piunmassuseqarpat?

Akissut:


Tasersiami Kalaallit Nunaanni erngup nukinganik periarfissaqarfiusut annertooujussuit unammilleqatigiissitsivigineqarnerat Kalaallit Nunaannut suliassaavoq annertoouq pingaaruteqartorlu, ineriartortitsinissamut periarfissarpassuaqartoq. Nunap karsianut nutaanik isertitaqartitsilersinnaavugut, najukkani ineriartortitsilersinnaalluta suliffissanillu nutaanik pilersitsisinnaalluta.

Tasersiami erngup nukinganik periarfissaqarfiusut annertooujussuit atorluarneqarnerat Maniitsumut iluaqusiisnaavoq. Aningaasaliisartut Maniitsup avannaani qeqertami, sumiiffimmi Alcoap pilersaaruteqarfigisaraluani, suliffissuaqarfissamik pilersitsisinnaanerat periarfissaqarpoq. Tamanna pissappat, Maniitsaq ingerlatseqatigiiffimmit Tasersiami erngup nukinganik atuisumit sarfamik mingutitsinngitsumik atuilernissaannik periarfissaqarpoq.

Tamanna aqputigineqarsinnaanngitsoq paasinarsissagaluarpat, Maniitsumut aaqqiussutissanik allanik ujartuissaagut, taamaalilluni aamma illoqarfimmi mingutitsinngitsumut allanngoriartortitsisoqalissalluni. Erngup nukinganik periarfissaqarfimmi marlunnik illoqarfiup qanitaaniittoqarpoq, ataqatigiissinneqarsinnaasunik mingutitsinngitsumik nukissiamik pilersuineranut atorineqarsinnaasunik.

Inussiarnersumik inuulluaqqusillunga

Kalistat Lund



19. januar 2023

Siverth K. Heilmann

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Tasersiami erngup nukerujussuanik atorluaanissamik siunertaqarnermik suliap ingerlanerani, Naalakkersuisut Maniitsup illoqarfianut, erngup nukinganik pilersorneqarsinnaanera qulakkeerniassallugu piumassuseqarpat?**

(Inatsisartuni ilaasortaq Siverth K. Heilmann, Atassut.)

Tunngavilersuut

Inatsisartuni Naalakkersuisunilu ilisimaneqareersutut Tasersiami erngup nukinganik Nunatsinni annertunerpaamik tunisisinnaanera atorluaanissamillu siunertaqarlunga inatsisartunut saqqummiussaqaqarnikuuvunga, kiisalu aamma Maniitsup kujatinnguani Nukissiorfiup qullersaqarfianniik erngup nukiliorfigissallugu piukkunnalluinnartumik saqqummiussisimanerat aallaavigalugu inatsisartunut siunnersuuteqaraluarpunga, ullorli oqaluuserinniffissaq tikikkaalu tunuartikkallarsimasannik.

Qinikkatut pisussaaffeqarpugut, Nunatsinnut innuttaasunullu akikitsumik mingutsitsinngitsumillu nukissiuuteqarnitta ineriartortinneqarneranut aqqutissiuussiuarnissarput, taamaattumik siunnersuutigisimasakka Nunatta aningaasarsiomeranut annertoorujussuarmik qangaaniilli periarfissaanera ilisimaarilluarpara, politikikkulli innuttaasullu akunnitsinni paaseqatigiinnissaq tamakkiisoq ukunani aamma pisariaqarluinnartut ilagiinnarpaat.

Taamaattumik neriutigitilluinnarpa, apeqqutigisannut alloriaataasinnaasumik Naalakkersuisut piaartumik akissuteqarumaartut, taamaangippat ukiarmi siunnersuutima qaqeqqinneqarmissaa naatsersuutigineqassaaq.